

A me Isula à mè

Un locu fattu d'incirtezzi
Lampa gioia è pinseri
In un ambiu chi ci pari
Un mondu chi hè fatatu
Una storia chi hè straziata

Com'è un'antica prichera
Chi pienghji o chi spera
Un dumani chi sarà
Cio ch'è no vulemu fà
Chi di stintu starà

Feti casu attenti à...
A me isula à mè

Un focu di tarra à mezu à u mari
Postu com'è un altari
In un cilestu chi porta
In un locu infinitu
Chi pà nimu hè pruibitu

Com'è quiddu vechju sonniu
Chi pà tutti un bisognu
Una pagina da scriva
Una brama da riviva
Incù forza si farà

Chi u curaghju l'aghju pà...
A me isula à mè

Un cori chi pà u sempri batti
Una machja chi scumbatti
Un intimu dulori
Incù radichi anziani
Chi a so stizza sempri l'ani

Di cuntinuà à creda
E no a vulemu veda
Una fratiddanza sparta
In un celi beddu apartu
Carcu à paci è benistà

Iè un ghornu accacquarà...

A me isula à mè,

A me isula à mè,

A me isula à mè,

A me isula à mè...